

DEO OPTIMO MAXIMO UNI ET TRINO, VIRGINI DEIPARÆ,
ET SANCTO LUÆ ORTHODOXORUM MEDICORUM PATRONO.

QUÆSTIO MEDICA,
QUODLIBETARIIS DISPUTATIONIBUS MANE DISCUTIENDA
IN SCHOLIS MEDICORUM. DIE JOVIS XXII. JANUARIII MDCCXXII.

M. PETRO MALOET DOCTORE MEDICO, REGIS CONSILIARIO ET MEDICO,
necnon Domûs Regiz Invalidorum Militum ordinario, Præsîde.

An incipienti Pleuritidi aliquando Emeticum?

PERICULOSIS affectibus pleuritidem annumerare ne addubites; in eo si quidem inheret lateri lethalis arundo: eorum quos misit ad plures vix reperias numerum: nullus in hominum vitam invadit frequentius; morbus est omnium anni temporum; Hyeme grassatur & Æstate, Vere & Autumno, frequentius tamen Hyeme, & Ver inter & Æstatem; cuilibet familiaris regioni: five sis Colchus an Assyrius, Thebis nutritus an Argis, perinde illi obnoxius es; æquo pulsar pede mæculum & terraminam, juvenem & senem, licet huic ut plurimum sit lethalis ob virium infirmitatem, illi verò maxime periculosus propter mali vehementiam: Pleuritidis duplicem continuerunt speciem, non à materiâ nec à causâ morbi, sed à parte laborante sumpto discrimine; veram dixerunt, inflammationem membranae costas fucientis; pleuriam vocant; spuriam verò, quæ musculis meso-pleuritidis insidet; quælibet lateris dolorem pro pleuritide habere errare est; afficiunt thoracem dolores atrocissimi, à quibus absit febris, respiratio stat facilis, pulsusque permanet æqualis, hos sanè Pleuritidis appellaveris immerito; horum enim signa ut & causæ sunt diversa: at legitime & notæ Pleuritidis causæ, signa, symptomata ferè sunt eadem; in illâ tamen graviora sunt omnia, in hac verò remissiora; non enim adeo urget febris acuta, quæ utrique est assidua, respiratio nec tam difficilis, estis crebra & parva, & latere petius imò spiritus, pulsus nec ita durus & tensus, licet inæqualis & frequens, dolor lateris non æquè pungens & distendens, sed pressione & decubitu excandescens, quod in verâ Pleuritide rrimè accidit, quia morbus internus; unde decubitus in latu ægrum facilis, in sanum verò maxime molestus & gravis; deorsum enim propendens tumor, pondere membranam distendit & dilacerat.

APTÈ si curare volueris, morborum nihil te fallat origo, & caveas pro Junone nubem corrîpere; sælix sanè qui potuit malorum cognoscere causas, quas caliginosâ premit nocte, non solum natura, sed & systematum Logodædalæorum farrago mirabilis, fingendique & opinandi effrenata libido. In morbis hic suum commendat Archæum, quem iratum enibet studet placare, furentem mulcere, terribum confirmare; at quis hæc Chimeras spectraque volitantia non diceret? Ille toto crepat ore fibrarum corrugationes, crispaturas, Erethismum. Hæc autem omnia morborum effectus, non causas quis non videat? Pectus, non parentes? Opera, non opifices? Quid enim habent quod non acceperint à fluidis solida seu fibra? Quorsum igitur iis tantum arrogare? Qui in venis & arteriis laudabilis est sanguis, dum purus liberè fluit, nullique non aptus usui, simonemto moveri desinat, vitium capit, sitque rudis & indigesta moles, morbos tantum apta producere; in his quidem viciari solida lubens fatebor, sed vitium à fluidis mutari, Fabio vel Iudice vincam: Reclamas? Miror equidem! Exemplo sit Pleuritis; hanc sanè non aptius, quam ab inspissatâ sanguinis diathesi, aut quorundam, ex quibus conflatur humoribus repetes; five enim frigore à balneo, refrigeratione à violento motu, acré & potatione frigidiori, serum madefaciendo plevæ dæctum seu perspirationis materies lentorem & crassitiam solito majorem acquirant, hinc tum infarctum & dilatationem plevæ glandularum, tum vicinorum sanguinis vasorum compressionem, tum demum ipsius moram, quin & effluxum, proximum inflammationis autorem, facile deduces. Non igitur Pleuritidem committant tonica vasorum *stritura*, coarctatio ipsa modica, fortior villorum elater, fibrarum occillatio crebrior, petulans, nec reorum delicta fluidorum luit immerita solidorum vis systaltica, cum quicquid habet vitii, fluidis acceptum referat.

MORBOS plerisque à morbis discernere facillè quidem, & vel lippis notum & sonforibus: sed eorum causas, ut plurimum, intricatas evolvere, & in aprium proferre, hoc opus, hic labor est: nec nisi verè Medico datur. Hic in causæ proximæ diagnosi non quiescit otiosus, sed ulciscens & ad fontem mali progreditur. Hinc affectus specie porus similes, re & origine diversos distinguit; nam mobilis est & varia malorum natura. Nec morbum curare contentus, illius causam subducere fatagit. In Pleuritide plevæ inflammatorio tumore tentatur; hic venæ sectionem repetitam dubio procul postulat: ad hæc attendit Medicus necesse est; sed præterea quis modus inflammationis, quæ sanguinis crassus, quale illius vitium, æstimanda; & si quidem vilcidus & crassus sanguis tumorem produxerit, si stomacho tumulum lenta ferat pituita, si ille vitium cibusque ferret, si corpus hesternis onustum vitis una prægravat animum, atque humo affigit divinæ aure particulam, hæc sanè Emeticum indicant, quicquid in contrarium clament nonnulli; illud in his casibus periculosum esse fuge suspicari; hoc primarum viarum educet saburram, summi mali materiam, quæ infirmo capiti, quin & pectori fluet utilis, utilis alvo; quippe illa pondus est noxium, quæ sublatâ profluit sui compos natura, frenis remotis.

DE Anacatharsi equidem quid malè cogitas, quæ malum altis defixum radicibus evellit & eradicat? Quid times, cæco ductus præjudicio, turbas & procellas à remedio motos componente fluctus? Quid vereris irritationem à medicamine mali irritamenta subducere? At, ais, benigniora etiam medicamenta sitim, calores, tormina, & sexcenta alia solent movere? Ab his sanguinis motus intenditur? Esto hæc locum habeant in iis, quibus siccum ardet jecur, & inquietis bilis inæstuat præcordiis, quorum sanguis fervidus ad excandescentiam pronus. At in morbis à lymphâ inspissatâ, & sero redundante oriundis, in quibus molesta est pituita, ut aliquando evenit in Pleuritide, mala quando copia ægrum sollicitat stomachum, & primas inquinavit vias, fonte hoc derivata clades in pectus fluit, tum in Emetico stat tutissima salutis anchora, omnemque, prælibatâ venæ sectionibus, paginam adimplet. Analogisimum desideras. In dysenteria, quam Pleuritidi valde affinem quidam observant, seviunt dolores atrocissimi, adsunt fibrarum tensiones, vellicationes, contractiones, quæ omnia vomitorio, radice nempe trasilienfi, semel adhibito, sæpenumero sedantur, compescuntur: hac ratione Kermes minerale, remedium non quidem novum, sed quod, cum aliquandiu, nescio quo fato, quasi obsoletum fuerit, nuper à quibusdam renovatum est, & Regis liberalitate vulgatum, in Pleuritide & peripneumoniâ prudenter usurpatum, etiam circa initia mira præstat, tantum valet in morbis vis emetica.

QUI Medicum se proficitur morbum curare debet, non neglectâ causâ, quâ sublatâ sepe sepsis hic tollitur, aut si supersit facillè debellatur, profigitur. Si Pleuritidem cum sedâ ventris proluvie conjunctam advertas, si morbum peperit cibus imperfectus & ardens hærens stomacho, in hoc educendo una manet salus; sed quid istas auferet luxurie fordes? Huic scopo collinare si velis, & optatam studes metam contingere, propria saginis laxate stomacho, ut crudi ponant succi pericula, & libitina evadat æger; hunc in finem Emetico nihil præstantius, hoc primam eruet mali labem; primis ergo temporibus (nam in festinatione securitas, nec cunctando in Pleuritide rem relictus) celebratis aliquibus venæ sectionibus, si audent in illo præscribendo te præsteritis, innumera aversens symptomata omne feres punctum, & metuenda pelles pericula aliquoquin multa renascuntur, quæ sanguinis missione cecidère, sopidique ignes fuscitabantur. Nec te ab hoc instituto deterreat antiquitas, mendosâ Hippocratis interpretatione, occurrat: (*a*) *Concocta purgare & movere oportet, non cruda, neque in principis, nisi turgent; raro autem turgent.* Turgent igitur aliquando, & tunc, teste Hippocrate, movenda sunt incipiente morbo; sed quò maxime vergunt ducenda, & per loca convenientia, ut nihil invitâ facias Minervâ; hoc Artis opus, dum naturam obsequenter reperit, parataque omnia, morbi auspiciatos contundit impetus; sed in iis dijudicandis cautus sis; in acutis enim iudicium difficile, *experimentum periculosum*: hæc non veni tyronis & imperiti, cui nasus nullus est, nec discipulo Philippi committenda; sed majoribus curanda Medicis nempe exercitatis, qui cernant acutum, & sapientibus; nam medendi rectè sapere est fons & principium. (*a*) Hippocr. aph. 22. sect. 1.

Ergo incipienti Pleuritidi aliquando emeticum.

Domiri Doctores disputaturi.

M. Guillelmus de Mazny.
M. Gabriel Antonius Jaquet.
M. Claudius de la Vigne de Frécheville.

M. Joannes Dominicus bevilieri.
M. Claudius Breitet.
M. Ludovicus de Somensi.

M. Franciscus Aignan.
M. Jacobus Fourcand.
M. Michael Endreus Rousseau de la Garenne, Regia
Secretarius Academia Socii.

Proponebat Parisiis GEORGIUS-ANTONIUS TARON DE LOMMEAU, Bajocensis, Baccalaureus Medicus, A. R. S. H. 1722. à sextâ ad meridiem.